



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM  
Administrativna komisija  
Broj:01/7-011/113,1/02  
Sarajevo, 12.2.2002.

## Z A P I S N I K

7. sjednice Administrativne komisije Zastupničkog doma,  
održane 11. februara 2002.

Sjednica je počela s radom u 15 sati.

Sjednici su prisustvovali: Sead Avdić, predsjedavajući, Mariofil Ljubić i Branislav Lolić, zamjenici predsjedavajućeg, Mirko Banjac, Adem Borić, Branislava Ferzanović, Franjo Majdandžić i Amor Mašović, članovi i Vedran Hadžović, sekretar Zajedničke službe.

Izostanak je opravdao Zdenko Vukić.

Za sjednicu je predložen i usvojen sljedeći

### D n e v n i r e d

1. Usvajanje zapisnika 6. sjednice Administrativne komisije;
2. Kalendar aktivnosti Administrativne komisije;
3. Izmjene i dopune Odluke o unutrašnjoj organizaciji Sekretarijata Parlamentarne skupštine Bosne i Hercegovine;
4. Zahtjev za profesionalizaciju zastupnika Zastupničkog doma;
5. Tekuća pitanja
  - Razmatranje Zaključaka Vijeća ministara Bosne i Hercegovine od 24.01.2002.
  - Zahtjev Ministarstvu za trezor (za preraspodjelu sredstava u Budžetu za 2001.godinu) po osnovu člana 11. Zakona o izvršenju Budžeta.

#### **Ad.1. Usvajanje zapisnika 6. sjednice**

Komisija je jednoglasno usvojila zapisnik 6. sjednice Administrativne komisije, održane 28. decembra 2001.

## **Ad.2. Kalendar aktivnosti Administrativne komisije Zastupničkog doma**

Jednoglasno je prihvaćen kalendar aktivnosti Komisije, uz zaključak da se u što kraćem roku podnese Komisiji izvještaj o pronalazenju prostorija za rad klubova zastupnika.

## **Ad.3. Izmjene i dopune Odluke o unutrašnjoj organizaciji Sekretarijata Parlamentarne skupštine Bosne i Hercegovine.**

Uvodne napomene dao je Vedran Hadžović.

U raspravi su sudjelovali Sead Avdić, Mariofil Ljubić, Mirko Banjac, Franjo Majdandžić, Adem Borić, Amor Mašović i Vedran Hadžović.

Zaključeno je da se Odluka o unutrašnjoj organizaciji dopuni tako što će se u njoj predvidjeti jedno novo radno mjesto – saradnik za odnose s javnošću. O pitanju drugog radnog mjesta i njegovog popunjavanja na osnovu raspisanog konkursa (šef službe za odnose s javnošću), predsjedavajući Administrativne komisije i predsjedavajući Komisije za finansijske i administrativne poslove Doma naroda će, po obavljenom dogovoru, obavijestiti kolegije domova. Zaključak je prihvaćen, uz jedan uzdržan glas.

## **Ad.4. Zahtjevi za profesionalizaciju zastupnika**

Zahtjev za zasnivanje radnog odnosa u Parlamentarnoj skupštini podnijeli su zastupnici Miro Grabovac i Emina Zaćiragić.

Jednoglasno je zaključeno da zastupnici Miro Grabovac (s 1. januarom 2002.) i Emina Zaćiragić (s 1. februarom 2002.) zasnuju radni odnos u Parlamentarnoj skupštini Bosne i Hercegovine.

## **Ad.5. Tekuća pitanja**

### **- Razmatranje Zaključka Vijeća ministara od 24.1.2002.**

Jednoglasno je prihvaćen prijedlog da se formira radna grupa u sastavu Mariofil Ljubić, Branislav Lolić i Amor Mašović koja će utvrditi da li je obračun plaća zaposlenih u Sekretarijatu u 2001. godini vršen u skladu s Pravilnikom o plaćama i naknadama službenika i namještenika u Parlamentarnoj skupštini Bosne i Hercegovine, o čemu će informirati Komisiju.

### **- Zahtjev Ministarstvu za trezor**

Komisija je jednoglasno prihvatila da se podnese zahtjev Ministarstvu za trezor, u skladu s članom 11. Zakona o izvršenju Budžeta (promjena strukture troškova u okviru predviđenih materijalnih troškova).

Predsjedavajući  
Administrativne komisije  
dr. Sead Avdić